

荔門詩錄 下冊



荔門詩錄卷四

櫟陽張馨秋芷著

屠維大荒落

歲朝試筆

紫宸朝散下彤墀
栢酒春浮第一卮
銀管書雲開綺歲
枌花製頌讌良時
越裳共見輸筐篚
時南掌高麗兩國使
臣至俱隨朝西階下
棘道旋看息鼓鼙
差喜今年投刺少
六街車馬省紛馳

平定金川凱歌并引

皇帝御極之十有三年金川土酋不靖
爰命大學士忠勇公臣傅恒
往討之捷伐既張受降而返是
後也冬至出師閱次年春二月
振旅膚功迅奏古罕匹馬薄海
內外胥慶交忭臣備員史館不
揣譎陋謹擬凱歌三十六章以
獻其詞曰

環極咸寧六宇清 哲皇垂拱泰階平
雕題鑿齒皆修貢 月竈天杞盡偃兵
河潤星輝過百年 萬方綏靖荷堯天
荒隅何事興蠻觸 漸說烽烟近兩川
金川地接古松州 酋長原無遠大謀
侵蝕鄰封聊自恣 不虞驚動我邊陲
大吏飛章請討時 廟堂予奪本無私
扶孱鋤暴天家事 官使狂氛得漸滋
告令頻申竟弗悛 竹弓石矢拒戈鋌不

知何恃曾無恐險阻山川自昔傳
屹屹層樓迴建碣篁深箐密路葶造習
流都藉皮為艇懸度還憑竿作橋
黠鼠耽耽踞穴中邊臣猶未奏膚功我
皇赫怒彰天討授鉞臨軒毗倚隆
元臣啣命出神京慷慨疆場自請行三
十登壇威信著恪將忠蓋贊承平
輓粟飛芻自劍南連雲棧閣置郵驂儲
胥霧集蠶叢外糗峙渾堪埒武擔

兩翼材官擬飲飛蹶張驍捷秉神機鉤
梯百尺身騰上練習都穿短後衣
推轂專征上將壇獐猊繡鎧燦銀鞍殿
庭指示平蠻策萬里真同掌上看
偏帥交提丈八戈或工草檄盾輕磨即
看叅佐皆英傑不獨元戎偉略多
漾日旌麾指熨駟道旁欣覩碧油幢
王師直是從天下電掣颺馳達錦江
益部蒸黎擁篲迎籌邊夫豈事佳兵蜀

中父老胥安堵宣諭無煩命長卿
間謀先除國法申羣蠻股栗駭如神兩
姦戲下雙懸首難共奢香靄翠論
桓桓虎旅素調嫻扶纊投醪上下間取
次六師將雨集春風二月度柝關
番夸指顧待成擒革面求降又革心奎
底游魚護殘汁鍛鷁窮鳥在焚林
攻賊湏攻刮耳崖前鋒已把賊門闕傾
巢洞穴湏彈指飛劄先馳慰
睿懷

皇仁煦育與天如叛則征之服舍諸方
蹀圓顱亦人類璽書未忍悉殲除
戟門笳鼓鬧如雷細樂濃香夾道開卉
服諸番齊拜舞爭看天上令公來
帳前匍伏淚如麻悔過繩愆畏罪加宣
布 皇仁矜不殺一時頓首髮鬢髻
朱提獻處梵容兼辭受深知相度廉願
起仁祠表遺愛分明七寶為莊嚴
六事湧除摠悅從誓將奉職愈虔恭自

茲雪嶺牂江畔
犵鳥狢花泥露濃
受降士卒盡
懽騰天朗雲輕
風日澄一
騎塵飛楊柳陌
早馳露布到
觚稜
中冬遣將討殊庭
春半瑀戈已悉
停偃
武安人綏遠裔
至尊欣喜告
慈寧
鏡吹旋時春漸深
韜藏貝冑與朱綬
戎
車才指南人服
並亦無煩七縱擒
蜀雲秦樹晉河山
一路壺漿振旅還
飲
至策勲開朵殿
珠裳濟濟鷺鷥班

主聖臣忠重寄殷
入兼兩府出三軍
朱
輪綠綬崇班爵
用答寧邊靖遠勲
豹槍虎衛拜恩稠
何止宮袍繡斗牛
疊
荷殊榮邀曠典
蟬貂果爾出兜鍪
勳力臣工協泰交
各頌峻秩抵分茅
度
功叙麥蕪褒勲不
比唐家陟罰洵
耆定遐方我武揚
翠珉百尺樹宮牆
韓
碑柳雅都寒儉
雲漢天章自焯煌
天庥祖德兩洪膺
邊豆芬芳香始升
已

肅嘉筵虔告捷更馳清蹕詣 諸陵
涿鹿征誅有扈攻鬼方燹伐企商宗廟
謨今古非殊致談笑興師掃逆凶
鴻猷合敕蘭臺頌懋績宜教矣世知纂
入青編侔典誥琅函藻笈永昭垂
嘉祥應卜億斯年麥秀雙歧穀穗駢朝
野盡賡朱鷺曲微臣恭咏白狼篇

春日禠咏四首效艷體

駘宕春光襲綺櫳花飛草長又匆匆乍

擡柳眼傲柔綠旋染桃腮暎退紅大抵
芳時多麗矚從來寒食怨東風劇憐出
谷初鶯轉歷歷華林小苑中

遠水盈盈滯絲帆迴文錦字嬾開函晴
窻養就芙蓉粉靚服裁成茜子衫夢斷
梨雲香暖黷妬他梁燕語呢喃臨風冶
思知何限離合神光迴隔凡

舞艷歌嬌未肯休囊雲臺榭貯風流三
千名士陽春賦十二迴闌薄暮愁丁字

花開春寂寂午橋莊閑鳥啾啾詩成自
滌紅絲研簾捲溫風蕩玉鈎

脉脉無端鎮掩關燕臺勝跡共誰扳微
雲澹月雙清館暖翠浮嵐六聘山昔亢
圖消春草恨桑乾水激箭痕殷咏懷賴
有同岑侶一笑頻頽醉後顏

兩後松坪弟直宿省中詩以憶之
春風吹紫陌春雨灑龍池御柳韓翃句
黃昏白傅詩驅車薄暮去獨坐黯相思

料得含毫處青綾夜擁遲

清明日偕友人往高梁橋閒眺

二月春方中春事歸弱柳勝序未三三
韶華盡九九聯騎出郊坰一氣碧千畝
橫橋浸淥波竹箭注清瀏風景逼江南
林淵匝鏡藪豁然凝望開草木紛襍糝
小桃枝乍闌繁杏萼猶紐堤迴樹亦隨
宛轉車輪走梵刹古珠宮建置記誰某
緬維金元間冶遊茲地首士女共湔裙

採蘭貽佩玖草色青妬花光紅映綬
髻鬢上河圖東風寒食後歲月弗可追
滄桑幾變剖陰陰畏吾邗好鳥聲嘔嘔
不見耶律墳蒼涼翳榛莠繁華逝水如
讌賞誰能久空餘橋下波清清不盈手
弔古俯川原抒懷賴儕偶返矣無流連
急命花間酒

春草十二韻

得氣捲細縕平原入望紆橋南敷淺碧

陌上逗微薰
霾含朝露溫
暎接夢雲
萬籤鋪似毯
一道展如裪
綠到江南
岍青歸塞北
墳映窻生意
滿臨水蔚藍
分徐向階前
舞都從雨後
芬與花嬌石
砌和樹漾簾
紋古戍層陰
合荒城落照
曛感時春寂
寂送別意殷
殷漢苑迷鶯
羽吳宮走鹿
群楚天蘭與
芷愁絕怨夫
君紫藤花下
作次湯水南
原韻君不見
宣武門南古
壽藤紫絲布
障懸

千層臨川學士昔開邸淋漓文讌觴觚
騰又不見水南居士芳重擷景企前薇
幽宇結敢希宋宅庾郎居一卷常携嚼
冰雪花開三月繁枝攢垂纓綴珞頰雲
團靺鞨珠從髮鬢挂葡萄錦向虬枝蟠
丁字闌前飄數縷濛濛花氣酣朝雨有
時靡曼恰當風翠鬟寶髻天魔舞君本
西湖太瘦生宮商六節咀華英對花且
可自怡悅鄉心何必懷龍泓伊余頭銜
一樣冷夜闌每憶珍鈔影正湏挈榼醉
濃芬及茲賜沐紅蘭省

西鄰紫藤盛開復疊前韻

西鄰夭矯千歲藤開時爛漫湧十層主
人室宇苦湫隘芳華佇想徒膏騰賴有
過牆一枝擷紫瓊細碎珊瑚結每覩陳
枳閱歲寒又看滿幃飄紅雪枝頭浩浩
萬蜂攢格底陰陰麝氣團夕陽欲下斜
景射如珠歷落龍屈蟠去年花下情覩

縷故人共聽長安雨讀書聲接夜冥濛
濡硯池連墨飛舞今年花發可憐生深
鎖雙扉聚落英宅為同年徐溥瀕舊獨
吟詩句慰岑寂措持毛穎兼陶泓西風
過眼雲烟冷軟塵騎馬空慚影對此茫
茫感暮春豈不懷歸深自省

孫楚池移寓三疊前韻

端州石硯剡溪藤牙籤錦軸裝重層孫
楚愛書兼愛畫墨花筆陣光飛騰日邊

紅杏同板擷意氣綢繆肝膽結數載相
依履道坊三年共眺燕山雪風裏楊花
萬絮攢泥中爪跡類沙團移居偶學鶯
遷木擇地寧同蚓蟄蟠入室香溫紫篆
縷濯枝正過瀟瀟雨酒鉤茶串事安排
虛白生牕式歌舞冰壺子麴蘖生此中
大可延羣英但教竹下開三徑何必方
塘水一泓宦情縱似殘灰冷會須直踏
松稜影祇愁朝出暮方歸瘳馬凌兢趨

畫省

喜家曉嵐兄至都漫賦

丁香花已闌春事聿云暮門外鶻噪聲
有客來遠路班駟尚載鳴僕夫未解御
執手呀然喜縷縷道情愫伊余弟與兄
迺於此地聚余家本秦人蜀岡為旅寓
兄生未出鄉廬井守邱墓余生大江南
濕壤限沮洳髻鬢同皤皤終身失孺慕
當夫黎粟時兄來揚子渡意氣共飛揚

風雨聯昏曙中間幾聚違哀樂互舛愕
甲子春載揚余返松楸樹里門望見兄
情好歡若故把酒櫟陽社立馬新豐戍
青雲偶馳驅遂使駑駘附蠅樊羣喙囂
蛾眉衆女妬兄也振臂呼折服不敢蝨
從茲隔笑言居遊分去住兄棲桑柘村
余適芸蘭署每當夜雨天輒咏池塘句
今春尺蹠馳謂當續良晤燕臺草木芳
果然車騎赴兄兮且勿言聽弟一一訴

功名蹄下涔世事草頭露憶兄方少年
袂衣兼闊步風雲指顧生一往弗復顧
藕孔光易移日月莽莽注倏焉強仕過
兒女畢婚娶弟今宦海遊進退頗躊躇
不如返家園共力學農圃赤日杲若蒸
軟塵幕如霧莫作身外憂且盡杯中醕
期余十年間歸與定早賦

移居二首

輾輾輕車曳短輪又移踪跡鳳城闈香

鐙茗椀開生面葱肆漿家換舊人趣有

軒窗當北戶肯容風月遜前塵宅為王

葦舊居有雙藤榭尚踈狂合與閑官稱

存昔先生染翰處也霄漢何須計致身

瞥爾春歸夜雨中櫻桃時節緒忿忿度
排略似搬薑鼠轉徙差同印雪鴻投刺
人稀閒僕御較書期迫閑簾櫳小闌干
外無多地擬種秋花待淺紅

庭前蔣蕉種竹帶以雜藹數種漫

成四首

種得修篁个字勻，兩三竿欲憂青旻。若
教移向清湍側，不到山陰亦晉人。
風枝露葉故亭亭，况有甘蕉刺眼青。一
角水雲剛過也，分將涼影上踈櫺。
芙蓉葉剩無情碧，石竹花呈退色紅。恰
笑稽含渾未識，祇疏草木狀南中。
花榭雙藤跡尚存，爭墩往事未堪論。此
中究竟是紅塵，海莫認柴桑栗里邨。

種竹後恒齋以長句見贈即次元

韻荅之

長安車騎紛九曲，土滑塵霾稀草木。朝
叅歸去趁斜陽，一室螭蜷棲僦屋。誰能
結構泉石居，且堪消受屏幃福。况此炎
歊肆鬱蒸，節序恢台過六六。苦憶瀟湘
烟雨枝，每從壁上看橫幅。懺除未解阿
修羅，清凉安得給孤獨。手把髥蘓一卷
詩，午餐頗厭花豬肉。日昨跳珠溽雨過。

泥污去聲銅街翻繡轂閉門強飯恣徜徉
太倉剩給陳陳粟偶向豐宜門外行柳
枝尚漾輕塵麴吊古頻尋遼后花悲歌
不見漸離筑買得明玕卅本歸妥蔣墻
西才貼伏遂有風漪襲綺寮闌干一桁
粧新沐森森不異戶列營緝緝儼如車
湊輻蘸墨摩抄與可文臨窓彷彿鬅天隨
陸劇憐曦景射檀欒略似烟江披獨速
千畝空懷渭上邨兩叢却倍蕭郎竹樂白

天蕭悅畫竹歌森
森兩叢十五莖不須刻畫作彈文翦

翳扶孱當除日燕臺酒價斗十千日對
此君巾屨漉我友西江大雅材風骨珊
珊迴離俗裁成麗製猷琳琅謂云此是
淇泉澳根觸鄉心落豫章蓼紅蘋白香
秔熟潯陽九派廬九峯秀傑推君仙李
族憶昔梁王脩竹園千枝萬葉滋亭毒
永嘉高士避竹中客來不謁煩敦促豪
華逸致兩邱墟都歸過眼雲煙錄籜長

春初覘瘠肥粉落秋風變寒燠對此瑋
琮碎玉聲堪可痛飲留三宿金錯刀亡
失仲姬何暇荒唐稽嶰谷人生適志且
為佳世事升沉多往復祇虞剝啄少羊
求不管澆除惱僮僕倘携硯具坐幽篁
碧鮮賦罷同捫腹

和

聖製消夏十咏原韵

荷

赤燦方司令芙蓉映水窓紅房周曲渚
翠盖卓清江斜立蜻蜓小飛來蛺蝶雙
晚涼疎雨過跳葉韻縱縱

蟬

高樹濃陰合蟬吟入耳長祇知鳴斷續
幾復管閒忙翳葉餐朝露遷枝避夕陽
居高能及遠糞壤笑螻螂

扇

細寫銀鈎楷勻塗蘭蕙叢曾聞呼便面

祇恐入秋風蜀府攘鈿巧齊紈落剪空
團團徵古製皓魄影相同

蛙

草長池塘綠蛙聲兩部齊花陰驚夢鶴
窓下惑譚鷄陸續跣殘灤踟躕坐畫堤
宣和曾入譜虎耳數莖低

螢

欄邊添箇箇水際映澂澂每亂書幃燭
遙分漁艇燈高低明復滅出沒減還增

孰不因人力翩然讓爾能

冰

火織方張候凌人告啓冰輕塵寒不染
弱藻翠猶凝似水還常止為山未可憑
癡蠅呼類避欲污定何曾

雨

一雨跳珠至濃陰暗幾邛看時農有喜
聽處客無言滿院微風善空堦滴響繁
盡祛殘暑去水閣坐朝昏

月

愛此如珪月無煩秉燭遊清光常皎皎
涼影自悠悠玉宇天方淨銀潢火未流
玲瓏高樹裏一葉漸驚秋

瓜

種瓜傳五色副處得微甘壓架垂圓璞
中心結紺霜秋來果竝碩繪去華誰良
載咏豳風句曾先棗菽嘗

蛩

蟋蟀聲何切高齋暑未歸草間行趯趯
砌下影微微易擾幽人夢偏驚嬾婦幃
物情隨化轉消息塵時幾

送陳牙山出牧泗州

一氣吞南服粘天泗澤雄源從陪尾出
勢與大河通都會開淮甸川塗識禹功
支祁靈鑠在汪罔巨巢空曦浴扶桑景
陰遮霧雨霽龍興誅蛇蠃鷁泛列艨艟
故壘元嘉築新圖勝國崇磬浮常入貢

鼎沒杳難尋自昔歸秦建從來界楚東
真人消歎忽王氣竟終窮漂泊揚波厲
蒼茫簸浪洪田疇蛟作室屋舍蜃移宮
塔峙馮夷窟岡沉替戾風頻年嗟碩鼠
幾處集哀鴻牧守遷僑治居民類轉蓬
頗聞憂撫字誰與振瘡癥之子三秦秀
文章二酉充丁年才似玉卅歲氣如虹
流華花曾夢雕瓊葉屢攻鱣堂隨濟濟
鼉鼓聽逢逢慷慨凌霄漢噌吰陋蠛蠓

卷毛寧久伏健翮旋高冲蒞榜臚雲麗
觚稜曉日曛樞衣瞻黼座珞佩覲丹
楓郎署分清秩農曹天朴忠祇知行尚
直豈假譎為工鹿性逃林傲蛾眉衆女
恫麾幢乃出守簡命托宸衷遂解春
明轡行驂刺史懸帶垂腰改綬章綰印
鏡銅拜想飛鳧吏迎看竹馬童倘非勤
報最何以答旃幪瘠土須荒度蚩氓在
發矇其魚防夏瀑乃粒課秋種決獄歐

陽觀隨車百里嵩但教羅可設焉有節
能豐暇日探遺構佳時拓綺櫳川原晴
的皜風景畫冥蒙山色龜峯靚雲容鶴
羽翬英風銷霸業戰骨化沙蟲吹遂思
蘓子乘箕迂呂翁堤長天若線地僻草
生芎定有詩盈篋因之酒滿筒政成還
指日績茂謁重瞳不次膺超擢崇階
益貴隆惟余生海裔故里共關中憶裴
紅綾餅同板青桂叢交遊推杜預談辨
器王戎有分膠投漆無心石叩桐識途
推練達懋學藉磨礮鬪飲傾三雅閒軒
掃百弓正欣歌繾綣何遽唱玲瓏別宴
樽浮綠離堂燭映紅行歟徒悵悵去矣
太匆匆露下征帆急霜高戍鼓鼗潞河
秋水濶烟雨望濛濛

和芑田弟生朝自述二首

同是浮沉泡影中屠龍未信技真窮漫
傷少日堂堂去且共青燈滄滄紅天上

歲時歸皓皜人間初度又秋風廣庭坐
對涼如水漱灑深杯莫放空

棗梨情緒記依然倏忽年光下瀨船禁
苑幾吟紅芍藥凋鞍誰跨玉連錢草腓
應作懷人夢月好何如夜雨天謂大一
事尚堪相慰藉明缸影裏未華顛

京師中秋竹枝詞

架扁支牌勢插天坊南肆北鎮喧闐年
年未到秋中節說餅筵開已接聯

颯颯西風未襲衣涼蓬新卸豁澄暉誰
能對此高高月不作淒清致語歸

貌得靈鏡五色裝搏泥糊紙幻形相笑

他兒女癡騃甚一例匆匆拜兔王搏泥為神

如羅睺然謂之兔王中秋夕兒女子膜拜以祈福

桐階梧院初飄葉貝闕珠宮乍覺寒才
到平分秋色夜露華幾點落天壇

玉輦時巡出帝京侍臣扈從下蓬瀛
不知橐筆行營侶誰咏微雲點太清

副瓜雪藕風仍舊點綴青紅互往還昨
向宣南橋畔過彙彙聚聚處尚如山
薊門八月起塵沙睡覺骨騰感物華怪
得圭齋詞句好客中偏道亦如家
一鴈寥蕭自北飛手柔弓燥列重圍從
茲射獵燕山道銀勒金鞵塞馬肥

中秋帖子和

聖製原韵四首

龍韜虎旅意閑閑帳殿無聲玉漏刑正

是聖情流賞處月華如水浸秋山
的礫方諸展鏡光曼陀花雨夜飄香千
痕薄霧沉銀漢一縷微雲過斗匡
綸綉輝煌百世師豫遊清暇便裁詩澄
鮮佳氣金波迴 霽溼淋漓蘸墨池
高寒何處是瓊樓落葉新霜紫塞秋宣
喚侍臣齊作賦冰蟾滿駕六鰲頭

晚赴圓明圓車中口占二首

晚風崢嶸出重城數疊西山紫邏橫迤

照閃時孤鳥度綠楊深處一車行頗疑
烟草長堤合絕憶春颿畫舸輕兩岸蒼
茫哀柳卧亂蟬棲老咽殘聲

澄澄暮靄暮歸鴉指點紅墻一帶斜才
見流雲吐華月旋過驟雨濕荷花橋南
水碧藏魚泚樹裏燈明賣酒家親切
皇居住麗地風光宛爾足烟霞

勤政殿侍直紀事四首

縹緲雲容麗氤氳篆縷香
御門秋正

曉旋到讀書堂

是日書屋上往

貝闕清無似珠宮靜不囂忽聞宣喚至

齊上赤闌橋

詞客西階立材官兩翼陳黃封當殿

進白髮舊元臣

是日溧陽相國進奏殿中

柳色濃於黛朝燉燦似霞紅蓮依碧沼
一一夜開花

李恒齋卧病不出詩以訊之

清霜夜稜稜淒颼朝發發緬懷玉溪生

病榻卧秋月藥鼎養丹砂茶鐺煨楮
非學慧車僊况示維摩骨保此吉祥海
安心戒甌碗長安擾擾者驅馬事干謁
君才殊歷落矯若雲中鵠輒塵恣滑狹
真氣未汨沒往往為詩訶倒峽流不竭
壯或凌風雲細亦及毛髮何當蹶然興
騷壇共騰越桐華雖徂謝菊香猶醺醖
作詩持贈君空螯獻彭蠡幸勿置弗答
看山獨拄笏

武英殿下直口占

策策桐階一葉飛
松棱秋迴挂斜暉
校讐已了公家事
浴殿西頭下直歸

悼蔣紆谷同年

去年秋風潞河水
故人別我歸江汜
今年春水漲直沽
嗟我故人繫死矣
死生如寄類蜉蝣
幻劫磨塵亦至理
獨有文遊繾綣心
臨風三嘆殊難已
多君秀骨本天成
屑玉編珠清若綺
春宮秋苑賦

傾城詞紆谷有十宮織女漸臺咏蕭史年去

閨夕詩君作獨佳皋廡棲遲八載春燕山辟易

千軍壘轄返江鄉紅稻邗何當即駕琴

高鯉豈是詩人例留滯此身不合還於

里不然天公解弄人但君葬骨家山裏

真宰茫如未可知目睇南雲空曳躔他

時一舸下鑿江收拾殘編重剝削斷楮

零鱣善弄藏囑付勝華與通子

過接葉亭

卜築何人力度排意頗良扶蘓文讓木

歷亂合歡棠俯仰尋遺跡登臨憶侍郎

永懷塵外想邱壑渺雲莊亭為湯西厓少宰舊居

街南屋

街南屋高轟轟如翼又如飛人歌雜人

哭一朝主人棄置之柱曳梁摧等壞木

昨日市賈來今朝牙戶促磷磷萬瓦場

化作荒原陸徒令陌上過車人蘚跡苔

痕傷蒿目傷蒿目往不復官橐金街南

屋

聞泗州被水寄懷陳牙山州牧
聞道洪流赤岍吞駢駢刺史急乘軒正
多奠宅鳩宗慮莫作高才劇郡論風景
南來推泗上人家水落覘潮痕 聖明
為下蠲租詔胥吏無煩夜打門

灑落襟期志不刊翦燈曾記話更殘文
章未許叅流輩經濟非徒事上官錄別
芳尊空寂寂懷君清露正漉漉河堤畚

鍾歸來後懸榻應唯揖子安

謂王建堂同年

恭和

聖製瑞穀圖原韻

嘉禾玉粒稱味旨六穗雙歧推種美天
生百穀以食人論說庥祥殊未喻頗陋
芝房寶鼎歌祇同甘露書年紀繪圖作
頌事棼然展閱陳編徒系系我 皇垂
拱厘民依夙夜念斯良熟耳鳳粟龍枝
亦漫為合穎連莖能溉幾由來邳治在

無形信知實意非闕此方今環宇慶昇
平網舉目張庶績理但祈力穡盡有秋
雨笠烟蓑消疾痛載咏幽風田畷喜更
歌商頌思疆以

題唐子畏赤壁夜遊橫卷即用坡

公煙江疊嶂圖原韻

玻璃江水墓頤山鍾此曾臆蟠雲烟竭
來黃州作團練澄濤萬頃心茫然熙寧
元豐政府新法出芑稂寤嘆慨冽泉跌

宕詩訶坐謗訕瑰竒文藻留山川是誰
粉墨繪此本悅若置我臨皋前蟹爪樹
枝籠夜雪鮓頭漁艇吞遠天武昌樊口
幽絕菱洞簫鳴咽聲清妍當時已嗟阿
瞞不復見何況後此淪桑田徒留此嶺
岬萃律一片石江風山月悲年年桃花
庵主個儻者丹青遊戲標婬娟偶然掉
筆恣皴染浮嵐晡靄追龍眠試思天魔
金目舞何異僂耳玉局僊古來才人例

偃屈畫圖景企良有緣離騷天問已難
再菴蘋蘭芷更有招魂楚些篇

湯水南以留鬚詩見示戲次原韻

答之

白晢風標逐歲移鬢鬢臨鏡嘆無私他
年如戟恐不免往日婆然想欲癡未許
叅軍誇美鬣差同少婦泣青絲獨憐擁
髻銀鐙畔惻藉聊憑數首詩
觀河面目任推移造物於人未有私善

相誰知燕頷貴寫生合倩虎頭癡芝眉
細映三毫纈園客新縑五色絲咄咄逼
人殊可笑數莖撚斷為吟詩

金可亭有寒夜思家之作疊原韻

四首以廣其意

燕山朔雪嚴風夜有客寥蕭獨憶家不
奈苦寒吟瑟縮為傷遠道話周遮明鐙
升降簾衣重清月遲回漏響賒料得詩
成猶鄭重麻姑小楷學簪花

暢好心情詎有涯底因彈缺嘆無家蓬

山路迴銀牆隔金屋人來繡幕遮

可亭舊有

錦瑟之感時居停延劃盡鑪灰寒未解

陵君方迎新麗至却

軒殘竹葉興方賒無能得遂登真約空
羨人間稱意花

餘杭自昔稱名勝不獨西湖處士家橫
略約邊金粉暗小闌干外綠陰遮地傳
水色山光好路入吳根越角賒舊向西
冷橋畔住可無清夢到梅花

浮生契集類搏沙到處逢迎即是家莫
以風懷消淨業好除熱惱證無遮桃花
春水吾廬在上苑秋風道里賒九陌年

華蛇赴壑相期早踏鳳城花

觀劇五首

鷓絃鐵撥響歌喉樺燭燒殘未肯休太

守自茲行樂始紅牙小拍按涼州

時何西嵐

同年將之任涼州

庭前調笑鬧分曹門外霜風烈似刀墮
髻啼眉誰解似泥人腸斷鄭櫻桃
凍合燕山草不春凌兢騎馬踏紅塵可
憐密雪寒鐙夜猶有嬌歌殢酒人

教舞樓臺度曲園水邊林際黯銷魂
驀然喚起揚州夢十載青衫舊酒痕
小部雲韶擅妙姿雙鬟低處動人思
從教舞落矍瑜月絕勝旗亭睹唱時

帝京歲暮歌

磨塵劫數恒河沙金輪旋轉未有涯
帝京歲暮盛景物熙來攘往何紛拏
崇文宣武勢屹立虎坊豬市聲淫哇
朝來驅車鳳城北偃僂响姬尤窻察
曼柔娥

眉塗翠黛軒昂朝士乘青駟或肩或負
或手又游龍流水行衙衙盤盤廣陌集
販豎中有鼓刀屠狗家諸子繡駟堆獨
速羊裘狼帽垂鬚髻燦服如山道左列
光芒碎礫蒸雲霞鹿躋獐蹶兔入罝來
從遼海森角牙東市鞍韉西市馬青州
棗栗涼州瓜梓設饅餠標內製格裁蛤
蚌輕憲紗柀符春勝蘸墨亂羅睺面具
肖物佳兒郎擊缶逞角戲盲翁負鼓稱

楞迦葦簫蘆管喧箏琶大抵更僕未易
數觀者意眩垂馬過我來三度閱歲華
修鱗難挽既去蛇今日突兀又見此曹
騰喚醒口欲咤眼前富庶見里閭緣知
豐稔盈鞵車作歌紀盛聊復爾崢嶸歲
序心周遮更憶尚書詩句好試燈風裏
見唐花

荔門詩錄卷五

櫟陽張馨秋芷著

上章敦牂

元日 太和殿侍宴恭紀

綺宴錫傳柑觚稜瑞色含筵開金紀北
人拜玉階南綵繚衣冠肅躋蹌禮數諳
鐘鳴容抑抑鼓奏響欻欻曼衍陳新樂
紘回設古奩尚羞千品異法醞百壺甘
鹿女虞人獻羊腔膳宰擔奉持勤羽衛

羅列啟竝甌秩秩官惟百油油爵飲三
得逢誠足幸歸遺不爲貪 聖澤深彌
渥羣情樂且湛抒毫聊紀盛載筆愧華
簪

試燈日雪中同人共集雙籐榭以

曉雨暗人日春愁連上元分韻

各賦五言古體一首

得上字

春寒勒殘雪條風遲鼓盪泥翻北市車
翠隱西山嶂廣庭凍雀喧舌滯神不王

折東招羣賓晨走屐幾納清言敦素好
莊論慳微尚文酒共流連深杯瀉綠釀
今夕此何夕意思洵跌宕明鐙姑緩張
月浸簾衣上

種丁香三株偶成四首

勾勒春光露淺芽數枝新蔣玉了乂也
知此日風偏惡要看惺忪十字花
纖纖碧蕊未抽簪乍可西欄一寸陰月
澹雨昏煙幕委芭蕉從此共愁心

無多僦屋况囂塵獨愛濃芬藝植頻竊
恐被他熱客笑閉門祇作種花人
花事金臺到眼遲鶯黃才見柳絲絲春
風十里雷塘路翠暖紅香又一時

送陸二柳之任中州

翩然才調邁時流匹馬之官愜壯遊萍
聚沙團才契集鶯飛草長又春愁洛中
暫僦三間屋吳下應懷十角牛此去梁
園謔舞地莫因興廢慨浮漚

歐陽筠莊招遊陶然亭即席口占
陶然亭子城西隅有客折簡朝秣車青
山對面殊了了勝地放眼惟區區欲落
不落濯枝雨一聲兩聲繞樹烏狂歌劇
飲日已暮今我不樂胡爲乎

題巨魚化龍圖

吾聞北溟有魚魚曰鯤化為鵬鳥身騰
騫扶遙直上九萬里莊叟與旨聊寓言
又聞道子畫龍龍有神興酣落筆恣染

皴夜雨掀髯破壁去雷轟電掣驚時人
造化變幻何蔑有由来荒怪難具陳河
津之水接龍門桃花浪起魚跳鱗三秦
有記究瑣屑未見繪墨為寫真茲從何
處得此本披覽舌橋手欲捫天吳怒走
海水立陽侯叱馭洪濤奔鰲背二儀勢
呵嗽蟪珠一顆光吐吞魚龍匆匆不可
識雖有海客誰垂綸意匠經營良有在
劍沉石化姑勿論君不見甕牖繩樞爨

下士一朝釋褐排天閣

月夜懷王梅泚徵士用金可亭諸

荃宰諸子送行原韻二首

廣庭洞達澹無塵幕麗琅玕閃碎紋每
畏炎歊思吸月却緣清夜感停雲去時
朋輩爭投轄到日郎君爲浣帚獨有紅
亭貰酒曲只今回首不堪聞

江鄉隔別幾呈霜遺挂神淒失孟光漁
舫去依鷺脰水蠶房誰賽馬頭孃襟期

歷落憑歡伯文史蕭閒號癖王頗異秋
風南雁候一筇重踏軟紅香

夜坐聞芭田讀書

長安十日雨昔和萋滿屋銅街漬濁泥
頗畏車濡輟閉戶謝酬接聊用適幽獨
眷茲天宇晴夜涼暑不溽明河乍耿耿
金甃漸漸諤諤秋心一夕來隱現寄修竹
此時讀書佳快若脫羈梏因懷古人師
寸陰勝寶玉今人胡爲然簡冊僅手觸

此理殊未喻毋乃困梁肉外君質地賢
志欲矯流俗篝鐙理舊業下帷勤夜讀
朗吟復洛誦竊笑任僮僕蕭蕭絡緯聲
細響相間續人生少不學髦老嘆兩燭
期子爲穎濱吾良愧玉局時兮不再來
名言宜共勗

雨夜枕上偶成

積雨經旬侵夜枕短檠孤燄一燈青攪
愁不怕芭蕉樹點滴空階已慣聽

簡唐魯傳上舍失解二首

誰將靈笈叩倉琅送別情懷中酒腸菰
米葉凋迷遠夢菊花香冷殢重陽莫嗟
慘澹三條燭大抵喧豗百戲場省識蛾
眉原不易淚痕空浥九秋霜

得失何當較覆薪御風行處未為真好
龍自昔虛求畫搏黍於今漫示人儘有
襟期能灑落肯將顏髻老沙塵桃花庵
主羈棲者慷慨曾先悟此因丈夫雖不成名會須

慷慨六如居士語

溫尹亭移寓賦簡六首

一徑高槐到眼青平泉花木舊林亭宅

座主茶陵司馬別墅昔時門巷過從處度閣今看

拜五經

繡褫錦贖倚交疏清曉移從薄笨車掃
地焚香還未了萬籤風亂走衣魚
秋老燕山木葉摧關心好夢重低回怪
來擅得無雙譽家近韓信舊釣臺

八韻清才妙孰倫
搗毫為賦帝城春
如
何
集
几
筠
簾
畔
少
箇
薰
衣
攏
髻
人
真
歌
數
卷
探
竒
遍
秘
笈
千
函
雜
誦
圓
絕
似
鳩
摩
繡
國
語
泠
泠
清
梵
譯
諸
天
特
地
移
居
遠
市
喧
雪
泥
鴻
爪
詎
留
痕
祇
今
延
壽
坊
南
路
剝
啄
聲
寒
客
叩
門

夜坐聞遂

何人吹徹玉參差
斂怨將愁欲寄誰
桂
後
蓉
前
霜
落
夜
小
門
孤
館
雁
來
時
情
知

此際思何極
聽到無聲我亦悲
為語
孌
休
度
曲
不
禁
懊
惱
類
桓
伊

書曝書亭詩集後二首

鴛湖舊史氏著述
號通儒健筆撐秋嶽
清
冰
在
玉
壺
風
懷
新
子
夜
烟
水
小
長
蘆
大
雅
今
難
作
吁
嗟
道
已
孤
北
塞
南
荒
地
平
生
眺
覽
中
扣
舷
招
屈
子
橫
槩
對
曹
公
身
世
終
留
滯
文
章
悔
太
工
紫
藤
花
在
否
寂
寞
萎
春
風

史漁民表叔喪女詩以慰之

庭堆落葉秋屋滿霜華夜遠道尺書來
幽人頓悲吒吁嗟弱息亡惻怛芳蘭謝
天涯傷倦懷清淚泫泫下我聞亦憮然
世事真如借泉明性高曠繫情聊慰藉
學語悼金鑿白家小女姪目前意盡牽
身後憂何暇大抵達者流冥心隨物化
法喜未為真慈悲詎可逐一語用解頤
恢諧恐遭罵幸免向平愁瑣瑣畢婚嫁

秋日偶然作

寥天蕭槭雁聲酸一夕秋風打面寒多
少故人聯佩出獨吟落葉滿長安

書何醞丞徵詩略言後

紡訓堂成誌弗諼拳拳慈母記嘉言寒
機霜杵情如見素壁篝燈影半昏早有
芳聲排鷄馭更看清德式魚軒祇今退
食春明後七紙金花拜九閭

唐魯傳上舍枉詩見贈和答二十

韵

涉世同磨塵角勝類土梗誰能恣滑狹
而乃棄彘秉多君藹吉流華闥依定省
天懷豁以寬善氣和且靜不泛千尺溪
不躡五盤嶺十年日下居碣館秋風冷
率意為詩訶嘉魚味雋永昨者試京兆
寶璞陋干請文遺士衡工策下寬饒猛
鹽車困伏櫪逸足詎得逞誓將返邱樊
謀謨讓魏丙謂余氣誼合暇輒造門屏

清譚晝晷移密坐夜月罔作詩遣素抱
鋒銳茁新穎余聞造化初光音竭地餅
堪輿興藏雲面目觀河影祇此藕孔光
胡為自耿耿君才如驥馱騰掉會有頃
相期履康莊相戒蹈陷穽努力葆真初
須臾寧忘郢

滎陽相公移居 賜第賦呈二首

巖巖華構 禁垣西詔 賜恩光溢紫
泥駟從早聞瞻火炬朝回今見拜沙堤

鹿茸魚藻千秋盛
茄井虹梁一帶齊
自是調陽通御氣
鈎簾不設鎮帷屏

甲第金張未許同
雕楹玉碣氣巖紅
梨館接臚雲近綠
野堂深瑞露叢
天下久教棲廣夏
帝心恭默眷元功
吐首此日還申祝
熙績仁周蔀屋中

初寒懷王梅泚作

昨夜嚴風吹屋雷
朝來冷氣侵衫裋
故人春去秋不來
颯拉燕山冬忽又
憶昨

君歸別我時
丁香細蕊開殘後
踟蹰臨去慘朱顏
予予將行傾綠酌
謂云別緒極無聊
奈可鄉心頻恂愁
有子蓬頭候在門
有婦荒帷喪在匱
弱女閨中漸長成
迨吉行將畢
婚媾鱸香亭畔水雲深
寧為耽幽住
鷲脰回坐聞之盡
憮然伊余感槩猶
紛糅多君才思麗
春雲文采葩
流魚輻湊使當
詖蕩排天閣
遽數人間鴛與鷺
可憐朶殿暫簪
毫未得高堂

侈畫繡投老金臺落拓歸青鞵布襪今
仍舊裝橐誰資陸賈貧笠屐人嘲杜甫
痾三月鶯花昔夢稀五湖鮭菜新吟富
江鄉秋老木樨黃果熟色山收橘柚豈
緣山水戀忘機巖壑棲遲久逗遛遲君
良晤短長檠逆數來程雙隻堠把卷懷
人清漏殘一簾夜色霜華透

送諸荃宰上舍歸姚江二首附引
白紙坊前青綺門外風蕭日匿九

衢之塵塹迷空菊老萸哀十月之
霜華頓重軫別情而徒切感良遇
其誠難則有東序名流南州佳士
辟雍泮壁以內鼓篋無雙會稽山
陰之間結廬斯在翠黛紅裙濯浣
紗之影黃絹幼婦捫色絲之碑妙
發精英雅耽著述著論準歐曾一
派咏詩宗蘓李五言吟成驢背京
兆從而解鞍譽滿鳳城公卿為之

繫襪摩燕烏集闕簡練數年戲馬
黃金臺縱橫一世固宜百尺挂珊
瑚之網三霄棲鸞鷲之枝矣而乃
書傳橘杜只侍龍君賦就長楊莫
逢狗監逡巡遼后之樓彳亍荆卿
之市去華被黜策士次且昭諫懷
歸酒徒彫落俯積水潭波瑟瑟聲
如送客睨率然山色依依秀欲留
人萬口爭傳下第我意亦憐一名

寧足重君竊恐不免已而已而曰
歸曰歸燕南垂趙北際十里五里
之程若耶溪雲門寺羲之獻之之
跡江山助伊文藻風月想其襟期
僕也耳厭鳴騶心隨去雁何處旗
亭按雙鬟之拍相期水驛探小奚
之囊杼以駢言綴之短什此時飲
餞春明飄來朔雪後夜懷人於越
夢到梅花

捐繇心情若箇知酒闌猶自覆深卮長
安不少青雲侶慙愧逢人說項斯
罨頭冰雪去匆匆即次宵衣土銼紅歸
到五湖烟景麗半篙春水一颿風

老将

百戰身猶在霜毛滿鏡中據鞍誇矍鑠
撫髀嘆英雄自可三升飯能開五石弓
金天舊有約劍鏑貫長虹

老僧

龐眉此尊宿坐閱六時春住世驚泡影
浮生感故人龕燈溫舊課瓶鉢記前因
莫訝生天後心空芥蒂塵

老農

力田生計足氣味得天全名側耆英會
心忘甲子年衣冠異流輩水旱話從前
爲祝篝車滿偃僂掠社錢

老妓

尚有風心艷穠華枉斷腸四絃娛白傳

一曲教寧王燈火樊樓夢金蟬北里裝
不堪回首憶垂老渡湖湘

荔門詩錄卷六

櫟陽張馨秋芷著

重光協洽

立春日試筆

又見銅龍泚氣宣紅閨翦勝紀新年春
回濕雪寒煙裏詩占金鞦玉勒先納納
乾坤芳序轉嬰嬰閭巷笑聲傳當極為
憶淮王語湛溢東風上酒船

春風曲

春風簇簇吹金屋
蘭澤餘香漬粉盃
東響徹鎮帷屏
繡幙朝寒慵結束
刀尺催人初入破
咬春燕九匆匆過
猩色屏圍仕女圖
紫首穩稱烏龍卧
摸釘遺倍舊相仍
麗正門南喚賣冰
鸞扇雲車省狩出
六街簫鼓罷春燈

喜王梅泚至

話到南來事都忘
夜漏長遙程歷冰雪
殘夢落江鄉
柹際光浮綠
眉間色正黃

菰蘆歸未得
歲月去堂堂

試燈日作

月燄燈光兩不分
綠窓紅燭氣氤氳
冰菹冷暈金釵色
糗餌柔霜十字文
射覆藏鈎聊爾爾
癡童疾女各欣欣
去年曉雨春愁句
去年是日點燈會客以曉雨
暗人日春愁連上元分韻
瞥眼風光似過雲

偶述

今年春意太蕭騷
澤腹猶堅雪未消
說

與南人渾未信狐裘狼帽過花朝

上巳日偕梅泚徵士漁民表叔松
坪弟同出東便門泛舟各賦七
言長句一首以少陵詩三月三
日天氣新為起句

三月三日天氣新風光澹汙維莫春嬉
春欲出出何所相邀修禊城東圍城東
有水清且淪上牒下牒聲粼粼緬昔至
元間疏鑿勞河臣南經甕山北白浮東

入沙潞為通津嘉名肇錫曰通惠千艘
萬漕排輪困亦閱有明紀側聞修築頻
高秋鑿輅來相度肅皇奎藻光瑋璘我
官於此已六載朝朝騎馬衝紅塵今茲
休暇縱眺覽正值被水湔帚辰螺髻千
重遠翠罩鴨頭一色柔藍勻夾岸草生
萌稚甲沿堤柳茁含嬌顰小桃灼灼未
破萼已見花外來朱輪舫舫小艇貼水
面桴餐殼核聊具陳波平風軟恣蕩漾

琉璃暈碧誰皦皦阿誰忘機客豎坐垂
絲緡亦有荷鋤者興作乘寅賓彷彿江
鄉二月時一篙新漲添峨岷因思世事
如爪跡何用分別生悲辛暫時得酒且
歡喜後之視今猶昔人蘭亭已矣渺何
許茂林脩竹迷前因水邊沙際流連想
都忘金臺彳亍身

聖駕南巡詩三十韻并序

臣聞自古哲王誕膺景命靡不有

省方之文察俗之典所以布澤
行慶法天牖民也噦鳳萃梧之
什詩美卷阿大旂金輅之文禮
詳王會然而天子之至德惟孝
孝莫廣乎錫類聖君之敷政惟
仁仁莫大乎顯謨一豫一游有
典有則惟我 皇上爲振古獨
隆已欽夫 御極以來百度具
舉詣闕里而升岱宗上太行而

蒞嵩洛鑿輅所屆膏澤遍敷乃
眷南疆望幸竅切爰慰兆人之
請敬奉安輿以臨時則 萱殿
椒宮萬歲之觴將進吳山越水
九華之輦惠來甘霑隨車慈雲
湧路二十四番花信都入 宸
歡睿藻之中一百五日清明摠
在麗日和風以內時巡既竣慶
典告成於是降福溥將沛澤孔

厚免賦數十萬計霑恩千百億
人舊臣在籍者爵之有司挂議
者原之發粟以賑氓頒帛而養
老賞軍恆辜選士升秀望澤之
思遐邇雲興如天之幬中外蛾
術此誠 繩武之盛心抑亦承
歡之至德也仁之至矣孝莫大
焉臣備員禁林躬值懋典謹拜
手稽首而獻詩曰

聖主仁施宇內霑 睿謨洋溢邁羲炎
特申舊典時巡舉為答輿情望幸僉敬
奉 慈寧宣豫悅遍敷甘澤賁閭閻春
旂載慶陽和盎芝蓋飛時綺旭暹蹕啟
穀壇芬玉鬯程開燈夕朗銀蟾清塵最
喜蘭風轉灑道剏逢杏雨織齊魯蒼茫
青未了江湖浩蕩綠新添十尋樓閣岡
頭湧兩點金焦波際黏鐵甕崇墉千雉
壯錫山名境九峯尖 鑿停虎阜鄉雲

護颿送垂虹錦浪恬梅發銅坑又銅井
香縈西磧更西崦錢唐曉色陳圖障明
勝晴漪展鏡奩蘭渚風光臨上巳耶溪
形勝遠千巘煙巒白下朝迎旆水榭秦
淮暮捲簾游賞摠因隆孝養登臨盡為
福黎黔明流秀嶂隨軒繞綠筍朱櫻入
饌魚佳麗東南來翠輦太平村落遍青
帘賜租賜復蒸民幸觀饁觀耕大有占
行殿但師堯樸遼離宮不學漢飛廉負

民廣賚錢刀布野老榮邀粟帛鱸免星
鷺鷥文砥礪減辜城旦少髡鉗鈐韜亦
荷朱提錫胥靡都教玉粒饜額廣泮林
收棧樸詩陳 黼座選榎柶雲帆粳稻
漕留濟邱壑間員祿再沾鳳紙輝煌霄
漢下龍箋揮灑彩毫拈 宸章燦若星
辰麗 聖訓詳為土俗砥至化南諧兼
北熨洪仁西被復東漸無邊聲教宣輶
鐸從此嘉祥致鰈鯨彪炳 皇猷三代

並肫誠孝志四方瞻小臣 朶殿承恩澤
歌詠鋪揚愧握槩

重昭丁南屏前輩話舊感懷七首
五十平頭七尺身昂藏浩落涉風塵把
君為感香山句又著青衫作選人
回首蓬壺落翠微掃眉宮樣看全非相
逢莫作悲涼語我亦秋風泛宅歸
白沙堤畔柳參覃高會傳觴記盍簪金
縷歌殘檀板歇舊人檢點說何堪

載音塵隔笑言秦淮煙月滯吟魂傳
來破帽疲驢句多在青山覆盡門

連容

淮館秦

十宮詞曲擅才名錄別尊前共涕橫握
手春明倍惆悵風流銷歇蔣元卿

謂同蔣

紆谷十宮詞蔣所誤

滿眼升沉喚奈何鸞籠一霎幻情多昔
時鬪墨評茶地徑合慵騰被酒過
驂篠來迎報最難紫滄人遠勸加餐脚

鞞手板尋常事猶勝長安不急官

偶過憫忠寺見海棠二株盛開成

長句一首用東坡定惠院東海

棠韻

寶幢香結旃檀木云是祇園給孤獨當
年戰伐懺昏塗此日毘盧警幻俗石馬
昭陵汗不收往事蒼涼失岸谷我來晚
晚值殘春雙樹穠華高覆屋吸雲愛
蒸霞沒骨心憎惟畫內一笑嫣然睡

思濃數枝斜。驪朝酣足。沉香亭北宴起。
時髻亂釵橫。姿首泚。娥媚新。英茁鹿茸。
輪困老。榦皴。蟬腹拊檻。同驚智慧。花過
墻。尚有蕭森竹。長安塵。至緒無藉。步履
相尋。聊聘目。略同廢院。獨逢蘓。豈必名
葩定。產蜀佛燈。停焰午鐘微。老衲蒲團
癯似鵲。捲簾燒燭。更無人洗粧。寂寞清
商曲。狼藉東風。春事歸落紅。點點閒愁
觸。

雨中過友人寓齋

驅車風雨來到門。煙樹合。剝啄聲不。豚
佇俟。久未荅。主人方晝睡。莊蝶夢短榻。
庭前聚景光。冉冉清氣納。濃陰交蒼蔚。
密林布周匝。古香萬卷書羅列。紛襟還
晤語。鬯塵襟。延緣得啞嗑。長頭炊雕胡。
小溪進蠻榼。文楸落子遲勝負。兩俱嗒
少。烏霽日出流影。過虛閣。雨歇風亦微。
樹響尚鐘鞳。

唐嘯園寓齋消夏分韻以雷聲忽

花氣渾如百和香為韻得香字

揮汗紅塵思乞漿過君北閣共追涼讀
書舊學囊螢屑養志何如扇枕香泥飲
狂吟無不可雲開雨霽足相羊食單取
次多兼味撥刺銀鱗擁劍長

賦得流雲吐華月借王梅泚金可

亭史漁民豎松坪弟分韻得吐

炎夕愛科坐幽景足仰俯新月如佳人

含意未即吐初看隱樹端漸見井碧宇
纖雲一桁過舒卷色倍嫵春茲天氣澄
花影散還聚飛螢閃微光棲鴉息倦羽
物理感如斯我懷其誰與

和宋蒙泉過史酉山小飲原韻

著述何人繼史遷選哥字景文小意氣

自無前為嘗東國三井酒州時羅酒共飲

來剪西堂一穗煙君似冥飛仍印爪我

緣更駕不堪鞭卜鄰分占垂楊巷好與

丹銘閱歲年

出豐宜門外作

策馬郭門外秋清樹影直
構椽籬畔花
瑣細水邊戩連旬苦積潦
隄障墍溝洫
所喜沛澤多羌見黍稷
蕝蟬鳴萬喙齊
荷蓋千柄側風光澹沲
新客思刁騷極
信美非吾鄉眷言生遠憶
吾鄉良大佳
菱芡採可食木末老夫容
波滢拳瀾瀨
楓丹袖綠時天地留真色
一官挂塵網

掉頭歸未得對茲景依依
是用心惻惻
何處梵王宮繚垣絢雕飾
像設尚崇閎
金塗半薄蝕翳惟創建初
實藉奄豎力
因思勝代亡此輩實誤國
毒燄逞鴟張
殘膏懣狐惑龕燈攪阿難
碑碣紀功德
轉瞬劫沙萌為鬼而為域
弔古重咨嗟
撫今三太息斜陽一桁西
歸塗按轡亟
凝望 帝城中鳳闕晚煙織

涂石溪奉常寓齋賞桂和陳紫山

學士原韵二首

一逕蘿陰遠世喧離離金粟正當軒未

虧明月成嘉會後時二月望得挹清芬是

者番小閣自堪來舊雨晴秋最好近瑤

尊食單取次南烹美熟鏊聲還看餅乍

翻

棲鴉點點不聞喧人坐高槐樹下軒酒

海波搖傾未已博山香冷熟重番清齋

每斷花豬肉殷祀常司黃目尊此日招

携由選暇繁絃底用六么翻

緬甸入貢早朝

太和殿恭紀三十韵和温尹亭檢討原

唱

垂衣凝舜績環極拱堯天滴露卿雲候

重光協洽年高秋蒼闕啟預日紫綸宣

要服供惟正靈臺吉載涓建邦賓禮重

柔遠國恩偏璀璨三花葢雷碾五色鞭

小儀詳舊典衛尉肅中權羽葆金莖外

紗籠玉斧邊諸司魚隊集百爾鴈行編
有喜瞻華袞來王進表箋繫惟茲蒲緬
自昔間山川銅樹標蠻嶠金江帶瘴烟
域荒聲教異地僻坂圖專大抵哀牢類
差如駝笮然種花棲犵鳥豺目聳鳶肩
錦美充筐篚椰繁剖豆籩毒泉石罅溢
甘醴樹頭懸風俗良殊矣疆隅各勉旃
軍烽催白氎使節跨朱纏寵畀銀章麗
書留貝葉鮮兩朝時叛服 昭代奉言

傳琛貢心彌切梯航踈欲穿趨蹌丹陛
下羅拜 聖人前臚唱羣雍穆 皇情
獨廣淵威儀咸秩秩左右亦便便香象
韉蒙屬文驄仗列錢載歌馴雉曲共咏
旅葵篇為沐綏懷溥都忘道里千三苗
千罷舞六詔首同延 盛治周無際奎
光耀斗躔

早朝車中口占

呵殿聲傳忒恁驕禁城魚鑰夜迢迢一

天清露涼於水多少香衾負早朝

恭祝

聖母皇太后六旬萬壽詩二十韻并序

臣聞璇霄電繞瑞啟星樞華渚虹
流道隆坤軸是以莘嫫篤祐實始
宮中任如培和懋昭列服古今多
慈聖前後有同揆也欽惟我皇
上御宇之十有六年恭遇皇太
后六旬萬壽龍醕麟饌介景福於

瑤池玉躡金題進徽稱於萱殿於
時黃髮鮐背之老咸駢集以祝釐
樽桑細柳之遙悉梯航而抒悃臣
備員芸署職在宣毫頌文母之

繁禧感至尊之純孝欣逢鴻慶

曷罄鳧懽謹拜手稽首而獻詩曰

聖孝昭區夏瑤觴進綺窓慈寧膺萬

壽職貢暨千邦祉集飛霞佩祥凝繡佛

幢風光連廣陌法曲奏新腔子月陽和

盜中冬朔氣降周環森步障璀璨列明
缸鑄景神山峙停鑿羽騎躩崢嶸寶
樓閣曷衍綵竿幢慶典今為盛坤儀
古孰雙徽音宣翟茀寰宇靖戈鋌近
者南巡狩珠旒侍畫艘煙巒迎雀扇
花月麗春江綠野多馴雉青邨少吹
佳遊增悅豫民俗摠敦龐惠澤敷甘
露思波溢錦淙茲辰祝岡阜比戶
熟蘭茝鴻號輝金冊羣仙捧玉缸
賜酺頌粟帛

率土樂耕耰式燕歌登鎬承懽酒瀉瀧
小臣恭作頌愧乏筆如杠

送陳榕門夫子移節中州二首

牖民深見帝心嵩填撫中州用大賢
君實勲庸隆宋禩敬輿章疏冠唐年
嵩雲洛日恩膏遍繡戟朱麾德化先
正值宣房初底績淇園不藉竹為楫
下筆春蠶食葉時記從使院荷培滋
獨標秦幟誠多愧獲剖荆璆始受知
常共

鷓原懷教育每因玉潤問嘉綏謂令堦謝未堂

編修朝天甫竟造辭闕心逐車前彩仗馳

觀倒刺五首

銅琶鐵撥振梁塵光閃橫波盻睐頻絕

似花間雙燕子低飛故故欲依人

歌喉一串妙無疵不必南朝璧月辭雪

戶風窻猶爾爾况當春酒最濃時

摹寫懷春憶遠妹羅巾薌澤淚模糊為

君別定烟花譜董白沙才世已無

玉貌衝筵衆共驚茜紅裙畔暗塵生年

來名歛都銷盡賸與風情泥小伶

老去風懷逐戲場酒邊燈下十分狂金

錢一擲誰能似只有吳江王載揚

立春日有懷家大兄作

侗儻吾兄性春來若箇忙種梅度小閣

走馬向東塘款識摹繇鼎雲煙鼻墨香

天涯相憶處有客倦遊梁繇女見薛尚功鐘鼎款

識繇與藥同

僕輩南返囑其除治故妾程氏遺

塚成詩一首

話到蕪城倍惘然小蠻遺塚意拳拳秋
風萎盡紅心草春雨蕴殘碧玉鈿十載
前塵如逝水一坏安土待他年朝雲已
事成虛誕豈有金經續後緣

除夕祭詩作

少小事帖括韻語非所慣偶然學哦吟
弱腕愧柔翰細等號寒蛩艱若入蜀棧

差可自怡悅未免博笑粲臣叔殊不癡
床頭易屢玩音義窺漢唐風騷薄謠諺
前吁或後喁析疑兼送難以此得自強
少獲成片段竭來瀛洲竒珥華侍香案
藝士森箇露才人足彪戲高文垂典冊
茲事寧易辨頗懷覆餗憂實切濫竽患
歲月不我與刹那驚晚旦七載去膏騰
一官猶絀絆嬉春賦初鶯慄秋咏早雁
殘篇並蠹索往往自點竄今茲值歲除

展篋理漫漶棼如邱中麻襍若江上蘆
雖未造單微亦頗恣絢爛酌酒供香巖
因之發永嘆耽吟祇小儒讀書乃風漢
古今多作者棟充而牛汗何如棄章句
功名步韓鄴再拜謝詩神吾意已內斷
明年離鳳池麤廳官作司諫

荔門詩錄卷七

櫟陽張馨秋芷著

玄默涖灘

人日集史酉山編修寓齋送錢東
麓編修典試中州次酉山原韻
荏苒年光肇履端明鐙促席坐初攢中
朝才子持衡去洛下名園仗節看波汎
綠樽傾臘醑風迴晴雪耀銀鞍珊瑚網
得歸來日重拓西窓聲舊懽

書趙价人東籬圖舊卷後

到處求詩不厭
零縑斷楮亦堪珍
春寒夜永才攤卷
滿眼風騷絕代人
竹漁洋

西河諸名輩
俱有題箋

古意四首

桃李方春榮
松栢歲寒茂
至人閱化機
而不櫻恟
愁彼哉箋箋者
乘車入鼠竇
進退相營緣
得失祇解后
晨興噩夢消
倏忽勢莫救
丈夫貴自強
文字金石壽

人生有通塞
譬彼雪霰施
高者處堂皇
下或積堦墀
堦墀猶抱潔
泥壤亦被之
問雪何為爾
雪殊不自知
以此晤流運
生質何妍媸
彼夫百夫長
即此萬乘師
吾哀馮敬通
十年乏剡薦
吾笑阮氏子
三語取卿掾
遇合詎有期
立舉古所羨
靡靡魏晉間
廼以人地銜
吹簫販繒家
豈盡鮮英彥
不見奉春君
衣褐衣褐見
讀書懷古人
古人良可嘆
朝為糞上英

夕作溝中斷當其得志時奚暇計笑榮
豈知事往後發冊如對案維茲道義防
後先相約爛凜哉毋忽忘功名世與玩
廣寧門外送客作

輕雲幕厯似籠紗送客城西石路斜馬
上回鞭春欲暮小紅留得過墻花
一片喧闐擊轂聲來鴻去燕不勝情無
能即趁東風便又背斜陽入鳳城

過溫尹亭寧園寓齋話舊感懷疊

前韻二首

淺綠高槐映碧紗亂書堆几任橫斜
經旬不到尚書宅開遍春風及第花
枝頭好鳥遞新聲喚起江南二月情記
得扁舟相過處嫩寒絲雨射陽城

香繡維摩像四首

舒紙為皮跡豈真任他彈指與吹脣五
雲未現空中相一衲先留劫後身竺國
妙香迷昔夢梅檀寶篆證前因從知示

病形原幻火燼灰殘莫重論
漫將度世比沙蒸衣上居然壞色凝震
旦刹那歸運帚金容終古付傳燈焚身
公案光如豆炙手心情冷似冰畢竟蕉
園兵燹後重來惟有佛圖澄
雕鏤楮葉祇尋常一縷香嚴七寶莊未
許惠之矜篋塑直教道子遜皴皴安心
自任風輪轉皴面因知熱惱忘多事紅
閨小兒女唾絨虛仿十三行

花散長空事若何逆風聞處見修羅烟
飄盡閭身雲湧歎息浮生隙影過三劫
已銷餘色界六丁不下淨天魔營鑪扇
炭湏史事一笑丹霞狡獪多

移居

轉徙人海中七年四僦屋祇如鴻印泥
詎曰鶯擇木攜載先圖書屏當及小簾
驅車辨色時未待晨炊熟新屋如新人
逢迎生俛泚可憐舊時居別離顏頓蹙

輾轉未能忘蕭蕭數竿篆

同人招遊城南王氏園亭余以事

未果往賦東筠莊恒齋兩侍

數畝方塘竹萬竿去年曾此隔籬看有遠

未得却至遊無多幽興塵緣阻得共清遊

日下難盧水南來滋沃壤草橋西去挹

羣蠻心知駢馬聯吟處紅葯襪襪尚未

殘

松坪雨中往 西苑寓直賦懷一

首

濃雲如潑墨急雨如翻漿清風徐徐來

庭院倏已涼眷言薇省客珥華趨明光

轂觶車一輛參差柳千行紅鮮翠亦濕

輦路遵高梁西峰滴嵐汁渠水流泱泱

詩摹嘉祐李對唐李嘉祐有寓直畫想摩

詰王煙景一以攬霑濡亦未妨不見

薄外簑笠欣登場高梁橋西近奉勅

月間方昇躑躅籬烟簑景

雨笠頗有江南風景

壽卞蘿洲四十初度即次咏懷原

韻四首

經笥紛紛研屢穿相逢又此沆寥天青

溪橫戰垂惇史

蘿洲係東晉忠貞公之後

碧血輪囷

啟後賢兩賦聲名東序內十年心事夜

燈前與君細勘逍遙理合咏南華第一

篇

垂綸欲上釣人查逝水流波感歲華早

李輕冰重午後淺紅深絳若榴花風塵

瀕洞嗟蹉頓雲路蒼茫孰蔽遮

蘿洲連躡場屋

四十逢時未為晚飛騰好景詎云斜

長日齋心學八關佳辰攬揆意閑閑故

人對酒情無限孝子思親志未闌憶遠

獨吟青玉案懷歸莫唱念家山鳳城袞

袞人如海底似崎嶇蜀道艱

雲以無心出岫遲祝君難老到期頤丁

丁伐木歌求友秩秩賓筵樂又思羽翮

已豐人所慕齒牙猶在爾何悲香濃青

桂明秋好想見芙蓉鏡下時

重晤陳牙山作

亂山繞淮甸一水圍泗州泗州風煙極
蒼莽使君昔日鳴前騶豁達高懷壞屏
聲障殷憂善績枕決流未使龔黃成歌
絕頗聞原楮煩徵收鋤奸疾暴忤大吏
一鞭歸去商山邱商山之路阻且修建
瓴橫戟稱戈矛一自採芝人去後岩松
澗石生癩疣特地歸來遂初服孺人稚

子相嬉遊故人京華重握手故吾猶在
何呶嗶豪氣縱橫一萬里文章跌宕千
春秋回首洪波隔東楚浮雲世事真悠
悠吁嗟乎浮雲世事真悠悠

改官後二日作

七載趨承本分官改銜今著惠文冠從
茲脚踏紅塵去縹緲神洲再到難
柏署霜臺結綬新班心哭兀愧長身
聖朝料是稀封事祇恐旁人論諍臣

西苑寓直和孫楚池吏部原韻

國西門外環清溪天容黯淡雲參差
被蕭條同寓直僧房夜火煨禪枝
柳汁招搖青照眼蓮衣的皜紅暈肌
此地風光良大好水田漠漠山微微
惜無幽興相料理祇緣塵事來牽羈
君家南臨漢水湄楚山娟秀媼娥姿
胡為棄擲不得顧母乃名譽羅金閨
我亦棲遲因坐此躊躇進退憂瑕疵
賴君風雨頻啟勗

銜惕若凜自持夜闌絮語明月上
離離樹影森歲蕤

孝賢皇后山陵于役恭紀一首

秘殿容車發千官集國門風塵迷野色
天地黯朝暎旛旒儀室設嬪媵淚欲吞
體夫舉樞之鑑夫掖明器稱媵向陵園

通州

去帆渺無極哀柳半猶青不盡南歸意
秋風通潞亭

三河縣早發車中口占

洵水盈盈折復回孤城屹立勢崔嵬
輕車正愛褰帷坐為有朝陽對面來

望盤山

峩峩盤龍山迺在燕之東層層碧玉案
朶朶青芙蓉形勝攷舊紀厥分上下中
松寒聲謾謾石峭水溶溶上為雲罩寺
下為桃花峰坤輿胎靜域中開隱士宮
屹然舞劍臺壁立懸厓崩叶衛公亦已

往颯爽留英風東為藥兒嶺一綫地脉
通維彼鷄兒軍殲敵誇戰功山川渺若
此物化嗟沙蟲我來值秋暮四山秋葉
紅王程日鞅掌疲馬行征徂祇堪眺截
葉未得探崆峒緬昔漁陽郡跋扈多奸
雄林巒信茂美未免蒙烟烽時清鞞鼓
息地僻雲霞封少人實多石谷靜緣山
空香臺師子座氣韻含丰茸行行頻弔
古隔樹聞晨鐘

帳房聯句五十韵

竹窩製絕佳隨地張作屋卷舒得自如

桐城張若澄鏡壑盧旅鎮相逐出以大車載城桐

張曾似廠擴用修綆束裁縫十幅布荔撐

柱數莖竹不藉公輸營鏡何勞梓匠築

築度地得一弓壇惟天架五粲樓閣現

彈指荔雲烟勻過目長塗倦馬馳鏡中

田走僮僕鑿室揮金鋤壇纏扛攢利鏃

屹然四柱列荔子爾一幅轟居中象堂

皇鏡倚角界林麓闔門湯網開壇衣壁

吳宮複為東向西向荔若陶穴陶復或

聚若呈拱鏡或散若雲屬或圓若倚盖

壇或方若布局或若橫嶺披荔或若仰

盂覆或小結蝸廬鏡或大張虎幄青或

染佛頭壇白或鬪僧足列宿二十八荔

離宮三百六盤盤奠厥居鏡一一聚乃

族毗界交溝湟壇分疆限游牧圍繩別

外內荔懸燈認誰孰鳩夷開濁醪鏡蠻

槥發白蓄寢興殊草草。塏位置頗鹿鹿。
拾薪先煮茗。荔傳餐待爨。燭暖依赤日。
暄鏡倦赴黑。甜熟攣跼憇。寒壇塏息偃。
藉重褥排悶。譚鬼怪。荔檢書搜篋。簾寨
帷遠孤興。鏡由竇恣遠。矚尺寸千里間。
塏湏史萬態。簇激撞風力。雄荔淒涼月。
光縮雨夕孤。蓬鳴鏡霜晨。溫館燠雙尖。
窺雪峯塏一綫射朝旭。居然任倘佯。荔
無乃苦蹉跎。容膝坐毋箕。鏡欠身頭每。

觸栖栖燕巢幕。塏蛸蛸蠶上。簇排衙午。
蜂喧荔坯戶。蟄蟲伏天地。鵝籠寬鏡日。
月雞窠速。僑寄搃。蘧廬塏游戲亦竿木。
墨子突不黔。荔倌人駕已。夙壺中別一。
天鏡桑下不三宿。瞥眼轉蓬飄。塏勞形。
印爪禿此行。歷燕薊。荔結隊走原陸。發
軻黃金臺。鏡茆舍馬蘭谷。寒山揖晚青。
塏凍畦浮淺綠。衝霧緣峯腰。荔踏冰度。
澤腹夔藩虎。嘯逼鏡齧草馬蹄。蹴差喜。

聚朋儔壇相與話幽獨
聯吟擊缶催荔
得句呵硯錄壇華榻復
何人閒享屏帷
福鏡

福泉寺

在馬蘭峪東十餘里倍呼為東湯山

石門東去路風景絕蒼涼
山勢犇群馬
泉流瀉沸湯苔花侵古甃
寺壁倚邊牆
汲罷披襟返匆匆起夕陽

瓜子詩

次蔣原作梅編修原韻

堆棹粒粒似蒸沙
種出青門莫浪誇
拾

向花陰知鬪酒黏來衣
上記分茶千房
細肩玲瓏玉一瓣
嬌含抹利花畢竟朱
唇輕啟處數聲清脆
遜吳娃

荔門詩錄卷八

櫟陽張馨秋芷著

昭陽作噩

讀漢書作

北走胡南走越解釋髡鉗化轆轤大者
王小者戾功成譽顯垂千秋生不逢時
數亦窘灞陵原上故將軍仲文教授獨
歸老翁子謳歌徒飾情英雄我慕來君
叔垂死偏能叱巨卿。

題吳江王節母傳後

明紀季葉隳王網草間蛾賊紛披猖
國家承運一土宇雷轟電疾掃挽槍太
湖濛濛煙水窟么麼數子猶掘強殺人
無賴苦鄉里摸金搜粟徵餽糧阿誰遇
害最慘酷吳江巨族瑯邪王王家有婦
珥明珠采蘋湘釜和且莊一朝禍患起
門闥夫子被劫身郎當倉卒哀號輸贖
緩白玉之白黃金黃封豕貪狼逞毒噬

鷓鴣新刃寒秋霜鴟夷沉寃伍相戮汨
羅啣怨靈均戕傳來消息到中閭呼天
一痛摧中腸有身不死稱未亡有賞不
散終漫藏有讐不復徒悲傷誓死傾賞
期弭盜憂而不手慚子張彼蒼默默鑿
此意如聞婺泣崩城隍渠魁殲焉頻獻
馘餘者奔蹶如驅羊漉血陳尸奠墓下
罡風瑟瑟天無光吾聞古來節烈婦摩
笄截鼻傳縹緲又聞東海有呂母因子

聚賊甘禍殃以此挈彼兩較量彼徒鹵
莽茲則良時清妖鳥盡蹋翼烏頭綽楔
表宅旁繼業文孫擅風雅裝潢卷帙求
名章作史紀事垂不朽國史家乘同輝
煌

消夏四首

風燈

一穗清燈夜色中蚊緣蟻撲漫匆匆玉
蟲冷墜銅柈膩金鳳飄搖蠟淚空未必
長明依佛火只將微照耿紗籠蕭蕭夕
吹涼生後影落西欄又復東

竹簾

截竹為簾製最工夜涼恣看月玲瓏波
含瀟碧湘藍意人在方空薄絮中鈎處
易霑三伏雨捲時不耐五更風虛堂蕩
漾清如水點點蠅飛未許通

竹簾

八尺琉璃淺淡黃賴他消受北窗涼科

頭跛脚無些事縱緯橫經爾許長夢去
蘧蘧遊鏡水展來恰恰稱繩床龍鬚象
齒都奢侈只合清幽伴竹王

瓦噴壺

休言覆手能為雨范土搏成亦復佳一
搨膏支剛滿握無窮淚眼若為揩頻將
芳澤滋蘭蕙豈必青磁出汝柴次第携
來噴薄處跳珠漱石響泔泔
淡旬內二女連以痘殤家人輩懊

惱過情詩以解之得七律四首

連旬臬鳥傍簷呼太息紅閨失二雛園
客倉皇縲獨繭麻姑狡獪擲丹珠拋殘
金剪求靈藥檢點銀幡襍棄繻至竟挽
留迷處所夜床無復聽呱呱

從來生女勿須悲奈可芳蘭並蒂萎繡
襖錦綉歸蠅爾履箱脂盞竟何為生憎
紫玉成烟去况值黃姑下嫁時前時七夕
也比似白家傷睥日更添雙淚綆如縻

七載燕臺等過雲目前聊爾惻殷勤一
之已甚那堪再我見猶憐况屬君綺節
果筵人寂寂翠衿么鳳去紛紛擗當弄
具填荒土共傍香臺峙小墳
本是慈悲莫認真綠窓清楚證前因逝
同范影迷離幻住祇空花頃刻新昔日
淒涼沉夢月他時抱送或生塵憑君解
釋無生理說與雲藍小裊人

西苑道中

薄暮城西路秋初景物新黍田高似岸
蟬語急於人殘暑猶如此應官又一巡
勞勞車馬客揮汗戀紅塵

討源書屋侍直

曲水通文囿平橋接漢宮虎鎗金楯外
雀扇綠雲中帝念蒼生切天教歲序
豐是日風上諭大學生諸臣曰西階還
鵠立侍從恩同御門侍直講官最

又次之馨自然為翰林改官御史階進
而班反下然為侍從之臣則一階也

試院疊鄉先輩王衷白先生壁間

舊韵三首先生諱圖明萬歷三年作詩勒石於壁後

之司事是中者多有和章

棘院潭潭屋宇深掄文許共此登臨但
期皦日盟靈府自有名材出鄧林珊瑚
高懸羅俊乂玉衡朗鑑別升沉無教勒
帛塗紅易恐負三條燭下心

清時文體黜艱深况復明威實汝臨秋
實春華才似錦雕龍繡虎士如林臺因

亦駭非虛築珠到懸藜不怕沉一曲瑤
琴風雨夜寥寥千載印初心

黃實槐花秋漸深團團皓皦夜常臨鹿
將羅網初鳴野鷄為冲霄已在林縱有
紅紗生障礙自持青眼判浮沉十年舊
事猶能記鄭重風簷一片心

移居口號

匆匆攜載去氣象一番新明歲梁間燕
重来又笑人

賣菜傭以盆梅一樹見贈詩以答
之

京師無梅花多以郁李冒北人強稱名
南人每竊笑大抵冰雪姿難支冰雪窖
曉來雙扉啟菜擔一肩到蘭葱楚葵旁
蕭澹踈枝拘搏泥小盞宜禦風片紙罩
持此用相贈實匪淺所料位置几研側
娟娟致清妙玉容含寂寞似怨朝寒峭
眷茲發鄉思歲月嘒騰蹕春草小房櫳

芳信幾枝報

題九九消寒圖

數點梅花壁上黏
閨歲月暗中占
枝含嶰谷陰陽律
畫代鷄人晝夜籤
伸紙但聞風獵獵
粘毫應識手纖纖
連宵刀尺催人急
一瓣匆匆又忘添

歲暮車中口占二首

物換星移總不知
東華塵土宛相宜
年一點思鄉意
祇有崢嶸歲暮時

茫茫宦海事難知自顧踈慵百不宜信
口吟成無意寫小車輾輾悶來時

荔門詩錄卷九

櫟陽張馨秋芷著

關逢閣茂

類澗園眺西山晴雪

峩峩率然山實為天下脊朝來快雪晴
彌望一片白橫嶺迷蜿蜒遙峯露婉孌
雲連氣若吞玉立勢不隔長安百萬家
排闥到几席玲竚凝去聲寒光晶明無罅
隙甚欲掩重扃何暇理雙屐去冬陽氣

驕頗憂螟蝥厄今猶六出飄應不害春
麥雪入春則五出仍呵凍哦新詩簷冰
落地表

書鄉先輩孫豹人溉堂詩集後
對山獻吉世誰倫賴有孫卿繼後塵亂
定江關尚蕭瑟窮來詩卷未沉淪生涯
落魄隨中賈硬語盤空次冶春幾度展
吟生景慕烹魚我亦是秦人

送負濟生之天津二首

烏元鵠白等前因幾載青衫拭淚頻此
去莫嗟雲路隔紛紜馬士捉車人

打鼓揚帆下潞河依人彈缺免悲歌時偕

漕使陸柳齋春來一種銷魂處水似橫

前輩同往釵柳似梭

花朝偕友人至草橋同作

燕臺二月草尚枯夭桃穠杏一綫無何
以為樂永今日衝寒騎馬城南隅不用
彈箏擊筑吹笙竽不須雕弓畫戟金僕

姑良辰二三子連袂晨相呼野外一樽
傾綠醕手中三百携青蚨古洞陰森眈
淵沼禪宮寂寞尋伊蒲春風拂面如醞
醐杜門不出胡為乎有橋宛轉有水縈
紆眼前煙景足俯仰何必六橋花月懷
西湖君不見萬柳堂開廉相宅只今指
點惟榛蕪

喜金可亭廣文至漫賦

乍別富春江山水在衣裋言偕計吏車

又閱雙隻堠相逢一破顏差喜面未皴
南州士衮衮才孰媿子富一官憇寒氊
拈花手自輒會當看奮飛蓬池羽新造
祈年屬玉間湏子亦已舊君意殊弗然
曰予類詛祝竊恐或不免且進杯中酌
類礪園山桃花

十日顛風吹不止卷地塵沙裂窓紙可
憐幾樹小桃花擺蕩飄搖無定晷只愁
細幹不經風何期繁蕊倍惺忪天天似

鬪春韶麗灼灼如矜舞袖工夭夭灼灼
不常好花亦如人容易老嬌嬈娥媚乃
承恩富貴功名湏及早長安歲月易虛
淹偏是花時不捲簾粉萼恣憑莊蝶夢
纖苞一任午蜂黏何如十笏荒園裏剪
棘裁荆去榛杞便看頰面有穠華莫待
成陰竝結子君不見玄都觀與武陵溪
春來芳草但萋萋急湏秉燭追佳宴一
桁斜陽落又西

城西道中感賦

屋角疎星數點明又携殘夢出春城蝦
蟄更裏朦朧去楊柳堤邊自在行得失
羊亡旋鹿覆往來路熟仗車輕不緣閱
歷紅塵慣此際誰能心太平

遊王氏園林

王氏之園林日下共稱謂春來芍藥嬌
遊人絲管醉香車油壁幃名馬金璣轡
洞房翡翠巢池館鴛鴦戲閣人每謝客

曰來朱紫貴繫予耳熟及身探竊猶未
今茲上巳辰接騎城西寺像設顏金容
鐘魚類歌器草木尚彫枯觸目少佳致
發興叩名園矐然聊一試詎知非花時
原不拒客至入門豁雙眸別是一天地
周遭水四圍匝匝樹千幟危亭級若梯
邃閣翼如豉波光澹容與樓影淨倒置
橋橫水亦迴足踏心頗悸越五步十步
迴或軒或輕枝頭好鳥吟藻際遊魚萃

壑疑通白圭溝恍鑿吳淞凡屬園之罅
皆為水所溉經始伊何人結構想匪易
其外繞佳木龍葱發春氣小桃暈紅肌
苦李制清淚濃淡相瑀嵌間襍增娖媚
流連未忍去為有江南意撫景愜清遊
澄懷屏塵思何必殿春花朱欄絢霞蔚
何必羅綺筵繁絃喧鼎沸偶爾適幽尋
俯仰生慨愜金谷已久荒平泉誰再賜
空餘輞川圖祇同洛下記勝地不可常

盛名誠鮮愧重来再問津輒恐雙扉悶
漁民表叔耳聾詩以戲之

幽閒祇合閉重扃執法何緣不效靈未
必作勞同石勒空教撫節有秦青鵲喧
鳩鬧從他幻螳鬪牛鳴靜不聽四十無
聞真可慮况兼華髮已星星

久不作應制體詩偶見松坪弟偕
錢蔣石邵蔚田王鑒堂萬樞皋
吉士用三肴韻賦披沙揀金見

獵心喜率成一首竊自笑十年
老婦猶作嫁時態也

金向沙中得旁求貴勿瀆尋源知有在
識氣肯輕拋煜爚光千點滌泗水一均
珠藏輝自媚玉蘊體方苞散若春星麗
明如石火歆披時心獨細揀處手頻抄
選擇同求駿搜羅類拔茅陶融歸盛
代共叶地天文

擬艷八首

衾

一朵紅雲擁麗娟。合歡人記破瓜年。阿
誰煥玉橫陳夜。生怕焚香獨自眠。繁
光華同錦谷。抱來三五望星躔。象床
冷。朦朧覺妬殺鴛鴦。繡竝肩。

幔

百子流蕪結綺窓。涵雲寶鼎燄初降。清
寒迴異梅花帳。靡曼徒施繡佛幢。翠羽
層層開鏡殿。紅薇閃閃背銀缸。笑他寒

餓東方朔。未得偷窺玉腕雙。
枕

黃梁未熟夢方恬。賺得徐妃半面黏。人
倚隱囊斜未好。金留纏臂壓猶嫌。佯推
暗濕啼眉黛。小警虛投刺夜籤。何事懊
儂眠不得。芭蕉枝上雨廉纖。

巾

薄絮吹輪一葉輕。兜羅綿手任閑攤。粉
痕都向春前拭。薌澤偏滋拂處生。擲果

車中頻婉孌藏鈎筵上不分明只緣捲
却風簾坐飄落花陰未有聲

裊

曾記天隨記獨誇霓裳舞罷落誰家石
榴解語應知妬芳草無情入望斜陌上
半拖金勒馬柳邊微颺碧油車生來怕
逐湔裙隊初服深歲不露些

裊

小簇雲藍捲未能懶將鳥爪試春冰鳥
絲界畫紅頻寫脩竹嬈娟翠轉增善舞
長垂白地錦工讒虛掩研光綾楚宮小
字妖嬈甚不放張儀喚不應

紉

春風髮髻首重搔佛頂青螺獨繭縹墮
馬粧成徒獻媚盤龍挽就為誰膏只因
夜半悲啼擁却誤城中學樣高香霧雲
鬟何處濕幾回展轉倍心勞

帶

到死春蠶戀宓妃柔絲常為縛羅衣賦
嗟異氣閑情在畫想當風妙手稀解去
明璫香冉冉歸來環珮影微微宮厨減
後腰支細玉尺平量緩數圍

監試作

天府羅文昌禮闈試帖括御史乃麤官
簡命謹門闈雖無文章事頗不廢鞭
撻朝呼千佛名夜防邏卒歇設棘偵窺
探循墻戒踰越剖懷慮渾珠倒篋防祭

獺 聖朝植嘉禾稂莠在所伐同輩五
六人闔門語彌月暮春景物濃春光正
潑刺祇此職守羈何緣胸次豁準擬踏
郊原直待榜已揭

右安門外作三首

右安門外水雲濃策騎重來四月中滿
眼綠陰清欲滴殿春剗發一枝紅
猶記風光上巳前土膏纔動鬱堪憐而
今開到青荷葉池上天斜貼幼錢

護田堤上鷺絲飛密密秧針水四圍自
是居人勤植藝也將方罨學僧衣

晚雨初霽庭院清曠步至後園眺

西山積翠成五言往體一首

閏夏苦鬱蒸雨澤滯且濕朝來聞滂沱
汨汨簷溜急已欣田疇滋預想溝澮集
其來方晨興其歇已日入虛堂景夕佳
高樹葉暗濕小園足登眺奚用陟原隍
西山如列屏彌望青粒粒翠黛儼膏沐
脩蛾類含泣相去路尚紆相看氣可挹
斜陽澹欲頽緩帶樹間立遙知山中人
嵐汁衣上襲

五日偶述

夕陽高樹影婆娑小立中庭病始瘥到
耳忽聞聲笑語應知市上醉人多

曉起

曉起濃雲密未收研凹殘墨濕仍留濯
枝一夜寥蕭雨綠意盈盈上瓦溝

懷陸抑齋前輩巡漕天津即次來

韻

追隨何止十年兄幾月畿南阻合併奏
議久教天下重藜書不讓散人成魚鹽
春市瞻前節粳稻雲帆紀去程早望使
星旋帝座一尊同向夜堂傾

送負濤生再之天津即疊前韻

住世同為無著兄多君意氣得相併三
秋槐兩年來濕五月江聲夢裏成此去
捉刀依使節何時彈鋏計歸程柝津堤
畔盈盈水應與離情一樣傾

與濤生別後復疊前韻一首

論年端合敬如兄錄別心縈舊恨併卿
相於人寧大異功名偏爾獨難成撐腸
何用五千字背面旋過十里程密密濃
雲癡未散只愁涼雨夜來傾

悼常兒

倉卒童烏去何堪拭淚頻生存方兩月

疾病迺兼旬德薄多慚汝醫庸悞殺人
亦知難久駐玉雪見精神

門人梁綱菴歸高要詩以送之

秋風瑟瑟秋雨瀟梁生別我歸高要青
鞋席帽敝緼袍臨岐執手心忉忉憶昨
拔茹搜菁茅秋堂夜盡燭一條眼明驚
見文中豪有如百丈盤空鷗探竒鑿險
窮織毫絳雲舒卷仍在霄謁我衣冠殊
輩曾舉止厚重無輕佻迺知馳驟須風

騷陋彼斌媚榮蘭苔藉甚聲譽衆口調

薦賢劄子姓字標四門博士綬縮腰成

均佇聽鼙鼓猷網菴薦舉國子春官報

罷意寂寥一帆歸去程迢迢越王臺臨

越山高木棉花發扶胥潮荔支龍目紅

葉蕉到家風景何飄搖壯志不受世俗

憍努力脩名翊聖朝毋為俯仰思鬱

陶

將請假歸省賦成五首

欲別京華去高堂歲月駸報劉真少日
辭漢豈初心白簡且藏篋黃綢暫裹衾
聖朝恩澤厚未敢說抽簪

欲別京華去棲遲近十年江關秋水濶
鄉縣嶽雲連親戚長分手兒童應及肩
松楸展拜後情話夜綿綿

欲別京華去麟殤鳳夭時病添金色婦
痛失玉顏兒此日難為抱他年未可知
廣寧門外路淚浥野棠枝

欲別京華去難忘是友朋青尊紅燭下
譚辯共縱橫絲竹連宵按楸枰數子爭
團沙原偶聚沙散各營營

欲別京華去秋風潞水艤昔年曾北帆
去於此逝烟波暫退因飛倦重来奈老
何忘機羨鷗鳥浩蕩保天和

送萬棊皋吉士之任懷柔即次留

別原韵二首

詔下詞臣離殿頭主恩中外摠優優

無華吏可追前哲不急官應讓輩流玉
軫聲中勤報最板輿花下奉清遊脩門
咫尺蛾眉閉空濶何嘗見十洲

鷄犬無驚吏不猜白檀峯畔放衙回定
教五袴碑間頌佇見雙旌馬後開黍谷
風高晨判牒瀘河月好夜啣杯孤城入
望秋雲外記取當年翠輦陪

雨中偕濤生杖生豎漁民表叔同

遊西山

尋山事得已結願貴精進誰能大雨中
賈勇為發軔同輩二三子或喜或色吝
策馬國西門陰雲四野物迷蒙樹頂垂
泥淖馬足印霑衣所不辭漸覺嵐氣近
酒從茅店沽路向樵客問雨來山意慵
雨歇山容潤潑墨米堆山沉酣含氣韻
少鳥霽景開遙峰露日暈自愧塵俗顏
幸免山靈愠瞻望翠微間伽藍稽首訊

渾河待渡

馬上停鞭問若何，夕陽顏澹下渾河。
怪來捍索維舟渡，莽莽洪流急似梭。

晚宿岫雲下院

未得探靈境，棲遲暫叩關。
雲歸何處岫，寺接萬重山。
清磬禪聲寂，秋林暮鳥閒。
十年塵海客，暫得靜心顏。

曉發羅睺嶺

石磴縈迴路，欲無幾回柱杖倩人扶。
憑誰渲染荆關筆，一幅秋山行旅圖。

潭柘寺

晉曰嘉福唐曰龍泉今名岫雲寺為西山最勝處

旃檀祇樹林，供養人天師。
金輪顯象教

梵刹森威儀，阿難五體並投地。
化人宮

闕留須彌神，僧斷手闢靈境。
澄潭清靜

祛蛇醫絕磴，盤紆鑿山骨。
層巖拱衛張

屏帷忽焉中，開一靜域。
丹泉翠嶂宸

章垂入門棟，宇豁璀璨繡。
栴蓂井虹梁

楣一竝一鉢俱，髡緇田衣上下壞。
色為

我佛西來自，自身毒四輪不到茲。
屢屢金

鑪熟牛糞畫壁飛文螭樓閣五雲現欵
忽在巖七寶何奢縻方袍楚楚見古德
三代禮樂盡在斯粵稽創建自典午閱
唐元明迄今茲香火千年閱願力鑿輿
往往歌來思雙趺隱隱印甌雲衣月
扇歸瑤池寺有元妙巖公階前老柘久
枯死尚留剝落磬研枝龍淵寂寞二龍
子流泉迸響空瀾瀾我來正值秋風時
秋山娟靜呈容姿疑疑高樹蔭叢樾菁

菁脩竹遮歲蕤紀勝不見危素記覽古
惟讀重玉詩毘盧傑閣眺織曠維摩丈
室叩履綦師子座象王碑願除煩惱扶
顛危打鐘掃地志未遂拳頭舉處誰能
知雲堂杳窅夜憇脚伊蒲設饌堆拌匹
推窓萬疊列几案得非迂倪緩范黃大
癡惜無如珪月烟藹交蒙之只有無盡
燈一盞明琉璃含毫吮墨自覓句胸中
塵塋竊恐山靈嗤

明姚少師廣孝靜室

淨名會裏此人稀
太息金川往事非
飛燕竟翔畿甸去
卧龍終得雨雲歸
龕燈佛火餘兵氣
石室經幢枕翠微
髡子豈知前代恨
篋容仍著七條衣

由龍潭遂至潭柘山絕頂

陟山不歷顛佳處
未得徧攝衣
登層岡危徑踏寒
藉逐步景屢移逾
上山益見沉沉青
龍潭汨汨瀑絲濺
當年華嚴師

尋源得一線
初地撰山腰
巖仄即今奠
龍歸雨氣腥
泉在山僧便
言遵絕頂峰
捫蘿足力羨
身入白雲深
路向丹崖轉
上聯蔚藍天
俯瞰下方院
四面儼列屏
中間凸峩弁
况如馮夷宮
齋淪峙幽殿
迺知寺名潭
肇錫良亦善
燕雲十六州
勝覽茲地擅
吊古意無窮
凌高心每顫
天外緬蘆溝
茫茫飛足練

次日天宇晴澈復由馬鞍山至戒

壇寺登眺

遙峰澹霽旭古寺明朝暎行行策我馬
烟火無孤村陂陀陟綫路開鑿留新痕
灌莽巖畔積好鳥枝頭喧秋山含靜氣
佳處不盡言拾級步靈域香臺巋然存
居僧喜客至拱揖開華軒導我上傑閣
一氣萬象吞遠瞻薊闕迴俯瞰渾河奔
磊磊石景山宛如拳石蹲極望窮睇視
曠覽清心鬼豐碑勝國建創始稽金源
上言像教盛下紀爵秩尊中官縻奉錢
構此香火園刹那四百載銜鉢延緇髡
低回發遐嘅願力輸空門

戒壇寺古松

道師一去不可攀留此千偈說戒壇賢
祖師於壇前鬱鬱何所有蒼髯蜿蜒苔
此說法花殷流傳聞自明昌間當時朔南正無
事春山獵罷茲盤桓風銷日剝雨淋霜
清蟻穿牛礪不得死時移代隔猶編爛

或如玄鶴羽或如姹女鬋或屈曲欲卧
或勁直不利梢雲拔地數十仞香臺靜
域虬枝攢迺知托根貴豎綴沙塵兵燹
泯憂患君不見階前小草媯然甚一夕
秋風損舊顏





8